

東華續錄

同治朝

卷五十三之五十七

第十五冊

同治東華續錄五十三

王先謙敬編 式恭恭校

十一月壬戌朔添設湖北漢口鎮陸路千總一把總二經制外委二額外外委四移原設中軍守備於漢口府城右噴水舖千總暨額外外委於江漢關水師三司外委於蔡甸○子甘肅陣亡參將張保安等祭葬世職○癸亥諭軍機大臣等伯彥納莫祐奏馳抵盛京沿途馬賊情形一摺奉旨馬賊著名股匪已多在附近省城一帶燒掠甚形猖獗並將八面城占踞前據恩谷屢次奏陳已諭令督兵剿辦並飭撥神機營動旅諭令尙書文祥等統帶出關督剿約計月杪可到伯彥納諷見在商同達爾漢親王索特那木彭蘇克挑選馬隊千名聽候調遣即著相機辦理特索那木彭蘇克本年班即毋庸進京以明會 廷剿見在剿賊喫緊伯彥納諷如不能抽身來京俟昭烏達卓索圖兩盟長到京時再行傳旨調撥蒙古官兵其各該處如伯彥納諷有必須來京與該兩盟長面商之處並著奏明辦理另片奏管帶昌圖廳勇丁之通判奎壽畏蒞其辦事於地方搶案率多隱匿不報以致民怨沸騰盜風日熾等語著恩合恩錫查明嚴參懲辦以靖盜源而肅吏治欽此旨著恩合鈔錄一分迅速知照伯彥納諷欽遵辦理並著趕緊覆奏候旨遵行將此由五百里各諭令知

米 案向非有意因循惟任內搶案多未呈報實屬隱匿已於疏防案內革職應否從重治罪出自 聖裁得旨奎壽業經革職免其治罪○諭前據吳昌壽奏稱捻蹤由襄城葉縣擾及舞陽後股由臨潁鄆城竄至西平遂平等處當經諭令官文

鄭敦謹飭防邊各軍越境赴豫迎擊茲據官文等奏稱賊眾西竄召魯嚴飭諸軍夾擊一摺所陳情形向在吳昌壽奏報以前見在賊匪既已擾竄舞陽後股又由徐州歸德一帶西竄鄆城西平遂平一帶與張總愚前股合併勢饒益張湖北應山黃安麻城等縣距賊較近該逆有欲往湖北擴種之說尤應防其竄入惟近防不如速剿與其株守本境不如越境赴豫殲擒善傳連前次諭旨嚴檄成大吉駐紮麻羅之軍越境迎剿與吳昌壽所派各軍會合夾擊委玉順等軍由西路轉向東北撲賊所向與豫軍兩面夾攻以期速殄狂氛鄂省近來辦理會剿頗形遲滯官文鄭敦謹務當振刷精神實力整頓不可從事敷衍有名無實致干咎戾委玉順等軍既經赴豫援剿距鄂較遠所有進止機宜即著由吳昌壽節制調遣以一事權安襄鄖漢黃德等府屬團練即著官文等飭令唐協和悉心經理務臻妥善官文等另片奏請將撥解都興阿成祿兩款餉銀統歸協濟甘餉每月三萬五千內嚴計等語都興阿成祿等處軍營缺餉甚久需用緊急前據該大臣等奏請將兩款餉銀暫撥撥解經戶部議駁當經諭令官文等仍照前議籌撥著該大臣等仍遵前諭按月接濟不准遷延推諉貽誤事體其

楊岳斌軍營應解之月餉三萬五千兩係屬專撥之款並著按月照數撥解不准以解部與阿成祿之款在內覈計抵算以杜牽混將此由六百里各諭令知之○甲子諭軍機大臣等閱敬銘奏據探豫省賊勢並籌辦河防情形一摺逆匪竄至尉氏一帶仍恐合股東趨著卽檄飭王心安等軍分投扼剿毋稍疏懈豫省一帶河防因天寒冰結賊騎恐乘間偷越屬敬銘見飭沿河各州縣營汛分段嚴冰以杜竄越卽著督飭衛榮光等認真趕辦該員弁等承辦不力以致有名無實卽行從嚴參處覈沂曹濟道員缺已放文彬並以長資補授沂州府知府該二員熟悉地方情形是以特加簡擢仍著閱敬銘飭令該員等力圖報稱將地方防守事宜妥爲布置以資得力將此諭令知之○命刑部右侍郎譚廷襄在總理各國事務衙門行走○乙丑調譚廷襄爲工部右侍郎吳廷棟爲刑部右侍郎汪元方爲戶部左侍郎卽宜振爲禮部右侍郎○丙寅諭內閣戶部奏遵議江蘇減免漕糧章程數目一摺江蘇蘇松常鎮太五屬編徵米二百二萬餘石原係集同漕糧行月南卹局糧等款一申徵收自應如李鴻章等所奏無分起運留支一體並減至以科則之重輕地上之饒瘠爲減成之多寡辦理亦尙妥協加恩普照所請所有蘇州府屬編米豆八十七萬七千五百六十四石零著減三十二萬六千六百三十二石零松江府屬編米四十二萬七千四百六十一石零著減一十萬六千五百四十四石零太倉州屬編米豆十五萬三千四百三十二石零著減四萬八千七百七十七石零常州府屬編米三十五萬五千九百八十石零著減三萬五千五百九十八石零鎮江府屬編米一萬四千七百三十五石零著減二萬一千四百七十三石零統計原額編徵米豆二百二萬九千一百七十四石零其各屬派減不豆數內尙有開爲沿海瘠區加減之數並著照章分別覈派應減科則另行造報經此次派減後該督撫等務當督飭所屬認真徵解不准再有官墊民欠名目非實在旱潦爲災不准請謁請緩如有捏報災歉蒙混呈報者卽著嚴參懲辦其把持浮收等弊並著永遠革除以裕民生而重賦課該督撫卽刊刻謄黃徧行曉諭務使實惠均霑毋任吏胥舞弊以副朝廷破格施恩至意另片奏請將江蘇省實徵數目明定章程等語江蘇省各屬浮收覓在既經裁減著該督撫將各屬向辦徵收情形除應行的畱外各計覈減浮收若干照浙江章程勒爲成規分晰奏報以免影射浮勒之弊○丁丑閩省奏擒逆在豐縣南北被我軍兩次擊敗仍竄山東該逆知東路防守甚嚴不能偷渡運河復不敢久駐書屬迭折而前竄知歸德有兵欲由舊黃河北岸繞越直趨汴梁與張總愚合股駐紮歸德之周盛波探得此信卽於十月初九日拔隊至睢縣迎擊行至甯陵之趙村集知該縣縣城被擒逆大隊圍攻勢甚危急卽整隊直逼城下時已二更賊撤開東面任杜馬等領隊洗淨甯縣

離城西南十五里周盛波恐賊至天明遁去議定乘夜攻之其弟提督周盛傳素善戰因設伏於黃河塢分兵三路進攻洋槍如牆而進出賊不意任賴二逆揮令悍賊圍繞中路不料伏兵忽起橫出奮擊盛戰逾時賊紛紛敗潰我軍跟追四十餘里至離柘交界賊狂奔向太康大路而去共殺斃悍賊六百餘名拔出難民千餘人解散脅從甚多該匪敗後由太康南竄行走甚速駐紮周家口之劉銘傳聞東賊回竄即帶隊向東迎剿十二日途次接扶溝縣稟知縣城被圍求援甚急未刻馳抵扶溝縣之東宏濟橋見賊邊馬即督馬隊分路並進賊見我軍驟至向西遁走劉盛瑋等追至城西里許遇賊馬步萬餘人分三大股將我軍包鈔中軍圍裏尤密劉銘傳令結陣自固四面環擊斃賊甚多連開炸礮打入賊陣該匪駭而狂奔我軍追殺十餘里陣斬二百餘名槍斃一千餘名奪獲器械無算扶溝城圍立解據生擒賊供甯陵之役僅有任賴牛李等首一股扶溝之役則已與張總愚一股相合刻下不敢東竄將謀擾及湖北接吳昌壽咨羣賊見聚襄葉舞陽一帶於十八日撤飭色爾固善張樹勳馬步兩軍移紮周家口騰出劉銘傳一軍作為游擊之師護遶前次論旨不復拘泥十二府州之說即南汝光許等郡賊所向踴躍追剿其營務處李昭慶所辦游擊之師鞍馬尚未齊備待至臘底辦齊即令李昭慶馳赴河南與劉銘傳各帶馬步人同作兩支游兵做照檜格林沁之法與該逆縱橫追逐使之不得休息而濟甯徐州臨淮周家口四處之兵仍舊鎮駐不動以備賊匪流竄時迎頭截擊上諭軍機大臣等該逆不敢東竄見在屬聚襄葉舞陽一帶謀擾湖北曾國藩見派劉銘傳一軍作為游擊之師隨賊所向跟蹤追剿並令李昭慶趕辦馬隊馳赴河南與劉銘傳之軍相機追逐使賊不得休息所辦甚屬妥協見老成謀國深合機宜即著督飭派出馬步各軍迅速前進與豫省官軍前後夾擊以期迅殄賊氛其濟甯徐州臨淮周家口四處之兵即著照舊駐紮以備賊匪流竄時迎頭截擊前有旨令曾國藩酌度軍情移營進紮本日該大臣摺內亦有不復拘泥十三府州之說與前旨適相脗合仍著該大臣斟酌情形相機前進庶居中調度呼應可以靈通想曾國藩必能因時制宜也賊匪窺伺鄂疆官文當據遵前旨派兵迎擊痛加剿洗不得稍涉因循致形滋蔓曾國藩另片奏飭超鑒於金口軍氛不敢輕收降卒若令少統統營赴豫剿捻必於大局有裨並稱進兵之路須以襄陽為老營乃能孔控南汝西蔽鄖陝凡銀米軍械等件應由湖北糧臺作主所籌向安年來捻匪出沒楚豫之交皆由無得力之兵痛加剿洗以致任其去來總未大受懲創鮑超帶兵素稱勇往若令簡練精銳申明紀律即可成節制之師該提督見在離已赴江而豫省軍情較之江粵尤為緊要即著曾國藩儘調鮑超統帶新募各營馳赴湖北由襄陽一帶相機進剿一切進止機宜仍著曾國藩妥籌調度其鮑超隨江舊部仍令歸雲雲慶統帶剿辦粵賊並著傳知該提督遵照辦理至鮑超既赴楚豫剿捻必須寬籌餉項俾無缺乏

所有銀米軍械等項即著官文督飭湖北糧臺籌定數目按月撥解不准稍有推諉江南月協之餉即由督國藩咨商李鴻章酌定成數源源接濟將此由六百里各諭令知之○千禧勞病故前任廣東按察使齡椿祭葬卹廕○戊辰諭軍機大臣等穆爾善奏甯夏攻勦喫緊協餉不濟請飭山西陝西四川等省速籌解濟一摺穆爾善一軍自渡河以後兵勇口分僅發三月山陝兩省解餉既不足數四川協餉日久未據報解新募兩營月餉晉省並未解過分釐見在攻勦得手之際僅兵勇因飢潰散貽誤非輕著崇實駱秉章迅將協濟該營餉銀籌撥派員星馳管解赴甘交納並著劉蓉趙長齡王榕吉各將該省應解穆爾善營餉趕辦兩月迅速委解其新募兩營之餉一併補解毋得稽遲帶欠以收飽騰之效穆爾善一軍前經都興阿奏請無庸赴陝業經降旨允准本日據穆爾善奏未能驟行赴陝情形大約相同即著都興阿穆爾善仍遵前旨相機進剿迅將甯夏攻拔以竟全功毋再稽遲○時日將此由五百里諭知都興阿穆爾善崇實駱秉章劉蓉趙長齡並傳諭王榕吉知之○諭前因雲南軍事方殷督撫大吏前往籌辦經諭令勞崇光林鴻年相機赴滇嗣據林鴻年奏報多次均託詞兵餉不充意存觀望見僅移紮敘州仍未馳赴滇境勞崇光屢奉諭旨嚴催見在曾否由黔前進亦許久未見奏報均屬任意遷延茲據有人奏稱滇省又東昭尙屬稱安惟久無大員鎮撫馬如龍岑毓英等無所秉承人心易渙誠恐日久變生請另簡大員迅籌安辦等語林鴻年由知府擢任封圻宜如何奮勉圖報乃竟遷延貽誤莫展一籌卽立予罷斥亦屬咎有應得惟滇事艱危多由於大吏之諉卸使一經返黔卽可置身事外轉得遂其畏葸自便之私著林鴻年懷遠前旨迅卽馳赴東昭認真經畫與護昭通鎮總兵楊盛宗籌撥兵練隨護入省並可清理鹽課釐金以資軍食勞崇光曾否起程卽著星速前往與林鴻年會籌迅辦儘再因循玩誤以無兵無餉藉詞延緩致滇中以久無統屬之故又生禍變必將該督撫從重治罪仍發滇省效力不得妄冀朝廷予以革職可藉以卻肩也至滇省與四川毗連滇垣一日不靖卽川防一日未能安堵崇實駱秉章素顧大局著仍懷遠疊次寄諭酌籌餉源源源接濟所有滇中應辦事宜並著崇實駱秉章與勞崇光等隨時籌辦前有人奏馬如龍岑毓英均可用著勞崇光林鴻年傳知馬如龍岑毓英等慎守疆土共濟時艱毋得懷挾私忿致有貽誤至林鴻年前奏岑毓英與馬如龍意見不合未能淡洽恐係奸匪從中煽煽各等語著仍於轄屬之中寓防範之意是爲至要原摺著鈔給閱看將此由六百里各諭令知之○辛未諭軍機大臣等楊能格奏營員役詐把持侵匿帑項請旨嚴行懲辦並請飭駐涇各營迅速前進各摺片據稱陝西甯縣營參將周顯承經雷正綰派辦營務支放餉需輒敢遇事把持與知州林發深狼狽爲奸致演軍紛至涇州索餉該員復恐雷正綰參辦輒架詞陷害誣以叛逆重情嗣見朝廷洞悉其杜復以餉緹兵謹雷正綰泣諭截回各實情四路上稟南

相矛盾情節顯然林發深庸懦無能惟周顯承之命是聽足以同詞稟報周顯承又截回餉銀欲使各軍激變以實前言二正箱奉命整頓請軍周顯承謂廷寄係屬假造且以涇州糧餉有著不肯前赴平固該參將經手餉項數逾鉅萬輒稱周顯兵變文案遺失掌管文案之知縣孟樹森查無下落藉詞捏飾豫爲冒銷地步又咨稱撥解餉銀一萬二十兩送至涇州二十里鋪被回匪搶失無存而查詢並無其事平日收支冊籍均交子姪收用委員不敢過問周顯承復帶兵擁派甯州百姓捐解麥糧民情惶惑將致變端各等語周顯承辦理營務糧餉既敢狡詐把持侵蝕帑項復敢帶隊勒捐實屬大干法紀著趙良齡暫緩前赴山西先赴慶涇一帶將此案求公查辦如果訊有端倪即著據實具奏將周顯承革職歸案嚴行審訊其知州林發深有無通同侵捏情弊亦著一併查明請旨辦理該撫甫抵陝西無所用其回護務當嚴實審辦以成信據原摺著鈔給閱看至知縣孟樹森據楊格奏稱於潰營之先已赴蘭州並未遇害亦無遺失文案情事著楊岳斌飭令孟樹森迅赴慶涇一帶聽候趙良齡查辦不得任其逗遛周顯承招募潰勇前已有旨仍歸雷正綰統帶著楊岳斌劉啓盛嚴催涇州各營迅速前赴雷正綰軍營聽候調遣雷正綰一面另揀委員接辦營務該提督受朝廷如此厚恩儻再不痛自漸洗奮勉立功則國法具在不能屢邀寬典也將此由六百里諭知楊岳斌劉啓盛趙良齡並傳諭雷正綰楊格知之○貴州州王恕圍煮賑米三百石○王申諭軍機大臣等前因恩麟等奏請領東三省丙寅年官兵俸餉銀兩當令戶部速議具奏茲據該部奏稱查明各款備抵尚須另行籌撥除應領制錢一千八百串仍由盛京戶部金銀庫撥給外通共實應撥銀二十九萬四千九百三十四兩零撥撥長蘆丙寅年應徵鹽課銀十四萬四千九百三十四兩零山東地丁項下未解咸豐十一年京餉銀五萬兩山東鹽課項下未解咸豐十年京餉銀五萬兩直隸丙寅年旗租銀五萬兩以充東三省丙寅年俸餉之需等語著劉長佑閻敬銘遵照指撥銀數悉心籌畫迅速解赴盛京戶部交納其應領制錢一千八百串著由盛京戶部金銀庫撥給原摺著鈔給恩合閱看即著恩合與吉林將軍黑龍江將軍均照議定折放章程嚴實辦理並將用過銀錢各數於奏銷時照例題報如有贏餘於下年請領俸餉摺內聲明備抵此次所奉諭旨及原摺並著恩合知會吉林將軍黑龍江將軍一體遵照辦理另片奏山東等省欠解節年俸餉銀兩屢催未解請旨飭催等語著劉長佑閻敬銘趙良齡吳昌壽劉善王榕吉各照該部奏催銀數竭力籌措趕緊解赴奉省以濟要需原片著鈔給劉長佑閻敬銘趙良齡吳昌壽劉善王榕吉閱看奉省勸辦馬賊需餉正殷該督撫務當星速報解源源接濟毋再推諉遲延致誤大局將此由五百里諭知恩合劉長佑閻敬銘趙良齡吳昌壽劉善並傳諭王榕吉知之○諭恩合等奏查明賊匪股數竄擾情形請飭熱河等處調兵堵剿並徐

占一投誠相機辦理德英等奏捕盜官兵不敷遣用請將神機營留演吉林官兵五百名調回遵查王起一股未至吉墳各摺片協領恩科等所帶兵勇在流涯失利該匪等沿邊竄赴西北邊外哈力套立改舊道肆擾復有匪股闖入新民廳竄舊微犯土匪向西北竄去此股賊匪來歷是否東邊散出之王起大股由八面城一帶繞過抑由哈力套立改竄回之周榮等恩合等未得其詳皮子窩海口地方見又有賊匪四五百人在彼擾害亦未悉匪首何名足見平日剿捕盡屬虛文偵探毫無實際實堪痛恨著即飭豐恩等隊及穆錦等各就見有兵力實力剿洗不得專待京兵致滋蔓延匪首占一見在既已投誠即著恩合責令海盛妥為籠絡徐占一見隨孔朗阿等赴西北邊外拏紅旗賊匪能否出力報效並著查明具奏恩合所請招募練勇獵戶俟京兵到後併力攻剿之處著即趕緊辦理不可有名無實尙書文祥所統京兵不日即到盛京將來與奉省各兵合剿賊必向熱河之朝陽建昌赤峰竄去著麒慶即派馬隊數百名並朝陽一帶練勇在該處地面扼要堵截並著劉長佑徐廷楷迅調沿邊各兵防守隘口不得令其闖入馬賊見有三股兵分力單恐難制其死命著崇厚即將洋槍隊派撥備調遣並著伯彥訥謨肅遵奉前次寄諭督率備調之蒙古官兵嚴加防範理藩院傳諭各王旗一體派兵堵截不得任令此輩彼竄致成不了之局德英等著即就派出兵力認真會剿該署將軍等所請將神機營留演吉林官兵五百名盡數調回以資助剿之處著俟文祥到奉省後酌量情形再行妥籌辦理王起一股仍著德英等查明隨時防範將此諭知理藩院並由六百里諭知伯彥訥謨肅恩合德英劉長佑麒慶崇厚慶春並傳諭徐廷楷知之○諭林鴻年奏滇事難期速效請調員督練洋槍以期制勝一摺據稱探聞滇省回練或製通海或擾廣南省回馬起龍等亦有帶兵占踞宜良縣署之事並分攻古城小倉倉營寨楊盛宗所部兵練爲數不多難敷防剿近聞迤西匪徒多習槍礮欲圖制勝不可無所挾持請飭李鴻章迅撥李恆嵩來營訓練洋槍礮等語著李鴻章傳知李恆嵩酌帶洋槍舊部練勇數人迅速入滇探明林鴻年行營前往聽候差委至滇事日形反覆尤須大吏馳往籌辦著林鴻年懷遵本月初七日諭旨星速前進毋得以守候李恆嵩爲詞仍復遷延畏縮自干咎戾其分撥遵海廣南宜良之回是否即馬如龍部伍何以肆行構變並著林鴻年傳知馬如龍等毓英妥爲鎮撫毋任別滋事端其洋槍子藥各件應籌款前赴上海採辦即著林鴻年隨時咨會李鴻章查照辦理將此由六百里各諭令知之○諭瑞麟等奏逆匪由遵平復竄和平飭軍追擊劉坤一奏逆眾竄偏閩省邊境並請將席寶田暫行留營各摺片等逆竄踞遵平之上坪等處經李福泰方耀等軍率隊進攻將其下坪煖水口礮臺平毀該逆焚燒上坪山寨竄由龍南復至和平縣屬地方前係十月初十以前事據劉坤一所奏王開琳道賊於和平下車捕斬落後賊數十人該逆遂於十三日竄龍川之小山墟又於十八九等日

由興甯向平遠鎮平長驅而去逮據諜報已竄福建武平是逆蹤飄疾旬餘之內已竄擾三省邊境倏忽東趨江粵各軍並未大加懲創扼其奔突何能制賊死命劉典黃少春兩軍見率所部星馳回閩席寶田劉勝祥等軍復馳赴會昌扼剿著左宗棠劉坤一迅即檄飭各軍繞出賊前迎頭截擊不得徒事尾追致令著著落後並著瑞麟郭嵩燾飛飭李福泰方耀等緊嚴賊蹤實力追剿不准以驅賊出境爲了事鮑超見已抵賴即著迅由安遠一路覘賊所向扼其去路毋任蔓延賊蹤已近閩邊左宗棠有節制三省之責務當一面嚴飭沿邊將士扼防本境杜其深入一面將閩粵各路官軍妥籌調遣總期四面兜圍爲一鼓聚殲之計其江粵各軍更不得藉口本省邊防徒事株守致令賊勢縱橫難城事席寶田見帶精銳營剿賊戰事方殷著准其暫行酌營俟此股髮逆撲滅即行馳赴貴州臬司新任將此由六百里各諭令知之○諭阿克敦布等選牧羣官馬寶蒙古捐馬四百匹解天津練習○禮部尚書字棠階卒贈太子太保賞銀二千兩治喪子祭葬諡文清○調萬青黎爲禮部尚書以曹毓瑛爲兵部尚書董恂爲左都御史鄭敦謹爲戶部右侍郎李鴻年爲湖北巡撫○命內閣學士李鴻藻在軍機大臣上學習行走仍兼弘德殿行走○命詹事府右中允翁同龢在弘德殿行走○予福建陣亡遊擊陳韶舞祭葬世職○癸酉諭內閣李鴻藻奏稱軍機處爲政令所出方今時勢關繫甚重恐難勝任請收回成命俾得專心在弘德殿行走等語覽奏具見惻忱見值軍事未成庶政殷繁是以特簡李鴻藻進參樞務李鴻藻惟當勉圖報稱以副委任毋許固辭○諭劉咨奏奏署任日期並請簡員來陝藉資調理一摺陝西軍務未竣防剿均關緊要該署撫仍當懷遵前旨力疾從公以圖報稱毋許固辭○以張樹聲爲直隸按察使○命山西四川月撥銀二萬兩濟甘省軍需○甲戌諭軍機大臣等吳昌壽奏髮捻各逆分竄豫楚官軍分途追剿情形一摺賴牛等股匪由西平等處奔竄經將希夷督兵在西平等之觀音堂洪橋口將該匪擊敗並於遂平上蔡等處連次獲勝賊匪奔竄確山掠及汝寧一帶其由裕州擾至唐縣之張總愚股匪經統帶鄂軍之總兵劉維楨設伏擊敗擒斬該逆首之弟張總志姜玉順復敗之於鄧州構林關該逆屢經挫敗正可乘此機會奮力進攻以期力掃狂氛姜玉順仁芳等軍不分畛域四面會剿毋稍鬆懈西平等處逼近應山黃麻一帶何以鄂軍並未出境迎擊著官文鄭敦謹嚴檄成大吉等軍迅速趕豫會剿仍一面嚴守本境毋令賊蹤竄入不得再事玩延劉銘傳一軍業經回國藩飭令赴豫著該大臣即檄其迅赴確山與豫省馬德昭蔣希夷等軍合力夾擊務將賴牛等匪股殲除湖北巡撫李鴻年到期需時鄭敦謹未卸任以前所有鄂省軍務仍當認真籌畫布置不得存五日京兆之見將此由六百里各諭令知之○乙亥諭內閣前據閩敬銘奏審明已革副都統成保已革總兵郭寶昌不顧主將分別

定議罪名當經降旨交刑部速議具奏茲據刑部奏稱該革員等隨同僧格林沁帶兵剿賊雖均無臨陣逃潰情事惟成保充當翼長被賊圍困之際置主帥於不顧厥罪較重應比依官軍臨陣者斬監候律擬斬監候郭寶昌所帶步隊前後開路接應不能兼顧主帥且身受矛傷情罪有間應酌減一等擬發新疆效力贖罪該革員俱係二品大員仍請旨遵行等語成保著照部議斬監候解部監禁入於朝審辦理郭寶昌著照部議發往新疆效力贖罪○諭軍機大臣等張亮基奏逆匪竄撲思州等城均經兵練擊退並懇陳黔省吏情及勞崇光隨帶林自清赴滇各摺片由教各匪闖入思州府境攻撲城垣經知府梁金誥等督兵擊敗賊匪退歸鋪田其荊竹園教匪糾眾攻撲石阡府城亦經署知府田宗超等督練擊退殲賊數百名龍泉縣知縣李廷璧等督率紳團將圍撲龍泉之賊擊敗勦辦均尚得手著張亮基督飭思州石阡在事文武激勵兵練妥籌防剿並令龍泉令迅將彰教場匪悉數殲除毋稍延緩張亮基所陳黔省吏務亦屬實在情形該署撫惟當斟酌機宜固不可與之為難亦不必過為遷就總以不激不隨為維持大局之計勞崇光疊經降旨催令赴滇為時已久並未見該督覆奏一字不知是何肺腑本日張亮基摺內有勞崇光見將赴滇未及會銜等語是該督尚無起程確期實屬任意玩延不以國事為重著即懷遵前旨迅速赴滇不得再有遲延致干重咎林自清從前在滇滋事帶練赴川經張亮基設法遣散甫就鈴束勞崇光此次赴滇黔省豈無可用之人何以必欲隨帶該員以貽滇人之禍顛倒謬妄實堪痛恨林自清著不准勞崇光撤調隨營仍交張亮基嚴加管束儻勞崇光仍敢陽奉陰違視諭旨如弁髦惟有執法從事決不寬貸將此由六百里各電令知之○諭本日據張亮基奏各省歷年欠撥黔省軍餉鉛本等項開單呈覽請飭分年補還一摺貴州歲需兵餉鉛本等項無不仰給鄰封自咸豐四年楊逆倡亂各省撥款概停所入歲減百餘萬而防剿之需歲增屢經奏請撥款奉旨嚴催仍屬毫無實際僅賴湖南勸捐一項苟延旦夕本年糧價昂昂數倍於前又值防剿喫緊經費軍火在在均須籌備卽湖南四川偶撥一二萬兩亦屬杯水車薪萬難足用深恐兵潰援絕貽誤大局查自咸豐三年起至同治四年止各省欠解兵餉銀八百八十九萬三千七百三十兩咸豐四年起至咸豐九年止各省欠解軍餉銀四十三萬四千兩咸豐三年起至咸豐六年止各省欠解鉛本銀一百四萬八千三百四十兩湖南省欠解文職不敷養廉銀及兵糧米價等銀十三萬五千三百三十二兩統計欠解銀一千零五十一萬餘兩如按月撥解半成即可得銀五十萬兩請飭各該省迅即撥解以濟急需各等語所奏自係實在情形該省地方瘠苦需餉緊迫若不趕緊籌解恐事務益形決裂卽著四川湖北湖南廣東江西浙江福建山東山西河南陝西各該督撫暨福州將軍粵海關監督迅將單開積欠黔省兵餉鉛本及文武不敷養廉兵糧

善該大臣妥籌速辦毋失機宜將此由六百里各諭令知之○已卯諭內閣羅惇衍奏人材不可終棄請將汪承元等量爲錄用人臣以人事君果有材品俱優而沈淪淹滯末由上達者原應力加薦引以副朝廷求賢若渴之懷若羅惇衍所保各員如杜翰臣源曾任卿貳大員並在內廷行走因案獲咎其人之可用與否朝廷素所深知何待該尚書遺請至已革將軍國瑞幫辦僧格林沁軍務本年官軍在曹州失利未能救援主帥厥咎甚重前年冬間蒙城解圍亦係僧格林沁督同富明阿陳國瑞等力戰所致並非國瑞一人之功羅惇衍專歸功於國瑞實屬錯誤已革侍郎成琦與端華拜認師生並阿附肅順被參褫職縱如該尚書所稱才能肆應亦豈可復行錄用已革臬司張集馨疊經臨臚李雲麟參奏先後經劉春堂查明覆奏實有應得之咎業經加恩開復永不敘用處分並無不白之冤豈得據德輿阿一面之詞率行代爲剖辨前任浙江鹽運使朱孫貽曾因御史汪朝榮保奏業經降旨將駱秉章覆奏所稱該員乖謬妄前後改轍各情明白宣示前任雲南鹽法道吳惠元曾經羅惇衍保留直隸差委未邀允准旋因該員告病開缺有心規避降旨勒令休致該二員即再加錄用亦難望其得力前任奉天府尹德椿因案甫經革職前任太常寺卿湯修業已告病回籍前任庶子袁保恆因事降調候補京堂汪承元前經陳孚恩保奏業以四五品京堂候補並非沈沒下僚其應否起用錄用之處朝廷自有權衡羅惇衍於以上各員毫無揀擇臚列滿紙率行陳奏殊屬冒昧不知體要著傳旨申飭○嚴禁各直省州縣私立班館濫用非刑○庚辰左宗棠奏陳遊汪海洋一股由江西定南敗竄廣東連平所轄上下坪一帶時遣賊黨擾及龍南始與邊境意在由南韶奪路竄江西湖南邊界劉典全軍由南康進駐贛東南於高連陞一軍由河源進駐長甯扼賊內犯廣東之路黃少春一軍由贛州進駐信豐扼賊旁竄江西之路賊知去路已斷忽由連平翻山繞竄和平與甯各境所過城邑皆繞道急趨突犯嘉應閩州城已於十一月二十一日失守旬日之間狂竄數百里將由閩邊以犯江西閩軍悉數入江入粵原爲截賊去路去閩日遠此次逆賊乘虛回竄一無阻遏閩軍爲賊所隔回剿不能迅速已在意中查嘉應入閩約有三道一入永定一由鎮平入武平一由大埔入平和均不過百數十里而永定尤爲衝要見飭糧長率所部勇丁一千嚴扼之復檄藩司王德榜速率所部二千五百人由汀州拔營馳往截剿飛調黃少春由江西信豐過安遠以扼武平並各劉坤一嚴扼會昌瑞平擬即日率親兵八百人並調總兵楊和貴一營出屯瑯溪以扼漳州之衝而兼顧平和一路俟各軍到齊再行前進督剿如賊竄江西自當遵旨赴江西視賊所向會同江西撫臣檄飭各軍相機妥辦上諭軍機大臣等該匪旬日之間狂竄數百里其欲由閩邊以犯江西已可概見著左宗棠檄飭派出各軍將由嘉應入閩之路分投堵截遇賊即擊以剿爲防務將此股賊匪迅速殲除肅清疆圍以竟全功該逆既有圖竄江西

之勢亟應實力嚴防以扼其紛擾之路著劉坤一督飭防軍認真堵禦並嚴扼會昌瑞金一帶與汀州鎮沈俊德一軍聯絡聲援會籌剿洗爲一鼓殲殲之計嘉應州城被陷著瑞麟加嵩肅將大事情形並文武下路查明具奏並著嚴飭卓興方權等軍迅圖克復州城一面將此股竄匪痛加剿洗就地殄滅毋令再敢竄建江西等省又成不了之局平和一路兵力較單該督擬出屯琯溪以扼漳州之衝兼顧平和一路即著移營前進相機布置如賊竄江西著著左宗棠擇要駐紮會同劉坤一對飭各軍視賊所向力圖堵截該督成算在胸諒能統籌全局迅殄逆氛也將此由五百里各諭令知之○諭都興阿豫圖善義官軍進剿奪獲要隘並應聯捷辦理招撫情形楊岳斌奏曹克忠進援肇昌城圍立解並探悉雷營陸領安撫各摺片甯郡踴躍待其南路各賊堡連糧接濟見經都興阿等督率將士攻拔賊圩兩座刻下賊糧垂盡攻剿正易得手著該將軍激勵各營兵勇併力進攻迅拔堅城毋再遷延干咎聯捷自靖甯專差佐領德清額帶有同人持函來至都興阿軍營聲稱固原等處同人俱經聯捷招撫見又據靈州馬朝清遞稟亦願投誠德清額先到金積堡與馬朝清面議就撫又到甯郡與賊目相見都興阿因馬朝清即馬化澂乞撫緩軍是其故智且德清額係西安逃兵投效雷正綰軍營何以又持聯捷信函入甯城與賊目會商種種可疑且恐別有情弊一面飛咨聯捷詳細聲覆一面將德清額擄去頂翎押送平羅縣看管辦理尙屬認真可嘉之至著俟聯捷咨覆到日由都興阿查明德清額所持信函如係該佐領勾通同逆捏造懈我兵心卽應就地正法如係聯捷不識事體輕重妄發信函卽著將聯捷據實參辦聯捷屢有嚴旨催令出關不過欲借辦撫名目爲竊雷地步前奏馬化澂投誠各情朝廷知其不可深信當經諭令楊岳斌確查具奏仍著該督遵照前旨嚴密訪查迅速奏聞仍一面催令聯捷督帶所部迅速西行毋令逗遛甘省滋事致與該將軍該督辦理兩歧肇昌城圍已解而該逆尙在郡城附近分股盤踞正西四十里外賊巢林立難保不乘間再犯著楊岳斌嚴飭曹克忠一軍裹糧前進務將各處賊巢掃除淨盡廓清腹地以副委任前據楊能格奏參營員周顯承狡詐把持侵匿苛項各款當派超長輪馳赴慶涇一帶秉公查辦並令楊岳斌速飭知縣孟樹森前赴慶涇聽候趙長齡查訊茲據該督奏涇臺糧餉異樣奇絀請飭陝西撫臣及慶陽糧臺力籌餉項解赴涇營等語摺內所敘周顯承出力各情與楊能格前奏大相歧異該督此奏自係尙未接奉前旨見在趙長齡計已起程著候遵前次各諭將周顯承被楊能格奏參各款有無冤抑逐一查明如何持平辦理之處並著趙長齡會同楊岳斌據實具奏毋稍徇徇周顯承招集潰勇前有旨仍歸雷正綰統帶涇州存兵無多所有劉粹楊能格接濟之餉應否解赴涇營抑或徑解雷營之處著該撫等會同楊岳斌雷正綰酌分別咨照妥辦固原州城見爲楊大娃子所踞雷正綰

務當奮立功剋期攻拔以贖前愆並著恪遵前旨將雷恆李高啟迅速解赴蘭州交楊岳斌審辦該提督如敢瞻徇親故抗玩不遵則是自外生成斷不能稍從末減也再楊岳斌請將道員黎獻記名以臬司簡放覈與吏部新定章程不符著交軍機處另行存記將此由六百里諭知都與阿穆圖善楊岳斌趙長齡劉蓉並傳諭雷正綰楊能格知之○辛巳諭軍機大臣等麒慶奏見辦賊匪情形一摺據稱探得錦州府屬哈立力一套改地方有賊首平四李源沅並女賊姜氏二名糾聚四百餘人占踞搶掠見聚新立屯有欲出清河門之說其東來之賊徐占一王七烏德李等約二千餘在新民廳劫獄焚署裹脅良民不知意欲何往業由朝陽縣調練防堵麒慶亦飛催各路兵勇分投抵禦請寬籌餉項並迅飭理藩院札卓索圖等盟派馬隊會剿仍飭各處截剿等語賊首平四等糾眾搶掠見聚新立屯趨重熱河麒慶已派馬隊並朝陽練勇防堵著即嚴飭派出之協領德玉等督帶馬隊覘賊所向迎頭斬擊卓索圖昭烏達兩盟兵勇經諭令理藩院傳諭各王旗一體派兵堵截著理藩院儘速前旨再行傳諭各該王旗認真堵截不得以空言塞責致完善地方被擾麒慶仍可相機撤調以期得力徐占一等股見在何往著恩合查明具奏一面飭令派出各軍實力剿洗不得以驅賊出境遂謂可以卸責文祥福興想已抵關即著多發偵探酌度機宜會師進剿各路官兵如何打仗不力防範不嚴被賊竄擾者即著指名嚴參毋稍姑息賊蹤紛竄靡定劉長佑長善徐廷楷務當督飭兵弁力圖殲離毋任罪眾闖入本境麒慶請由部庫先行撥銀二三萬兩著戶部速議具奏本日據御史汪劉榮奏王洛月餘黨尋仇搶劫官紳無敢過問團練始勤終惰請飭直隸總督嚴行查辦等語著劉長佑查明具奏王洛月餘黨仍飭地方文武搜拿懲辦並令各地方官將團練保甲事宜認真經理原片著鈔給劉長佑閱看將此由五百里諭知文祥福興恩合劉長佑麒慶長善並傳諭徐廷楷知之○諭張凱嵩奏南甯官軍殲除援賊見飭乘勝圍攻一摺逆首孫桂廣等屯踞那檀山澤各巢為日久此次劉培一等督軍進攻堅巢未拔而士卒頗多傷亡該逆復糾黨誘誘民家至數千出屯橫州之廟相等村以圖牽掣經官軍連日攻剿將其盤踞之屯羅廟相等十餘村賊巢數十座全行踴毀生擒逆酋林得友林侍任等數十人該逆外援既敗賊膽已寒正當乘此聲威迅克堅巢以圖蕺事著張凱嵩即飭劉培一等遠提等會督各軍悉力圍攻務將那檀山澤各巢剋日剿洗毋再延擱東之賊見由和平竄往鎮平嘉應一路西省邊防自可稍鬆該撫見已抵潯即著馳赴南甯親督各軍進剿毋任老師糜餉致誤事機那檀股匪遣人通款投誠如果能倒戈殺賊將孫桂廣捆獻亦不妨從權招撫勻出兵力以合山澤之圍若徒以乞撫緩師仍存首鼠之見即當一意剿辦毋為所惑將此由五百里諭令知之○諭勞崇光奏起程赴滇並請飭撥餉需一摺滇中軍務喫緊勞崇光已於十月十八日統帶張文德等軍起程赴滇著俟到滇請平

彙一帶查看情形即行赴督督飭馬如龍等進規進西鐵除杜逆惟軍行必須餉隨自應豫籌接濟著崇實駱秉章迅將前
署督潘鐸奏准由川省籌撥之五萬兩剋期委員解赴滇省交勞崇光行營以資飽騰毋再延緩將此由五百里各諭令知
之○雲貴總督勞崇光奏遵覆貴州公事惟與張亮基和衷共濟如有不合亦必據理直言不肯遷就巡捕商紹祖於署仁
懷同知任內因家丁周順劣蹟業已撤任提審自問尚無回護查林自鴻雖年少好動打仗尚屬奮勇擬請將該鎮隨帶行
營差遣得旨林自清從前在滇滋事該督豈無聞見何以復欲令其帶練入滇在該督止思藉以自衛而於滇省貽禍無窮
顯倒謬妄真此爲甚著懷遵十一月十四日諭旨不准撤調隨營仍交張亮基嚴加管束○予廣西陣亡副將周開麒麟祭葬
世職○予山西殉難府經歷陳步洛等建祠○癸未子攻勳甘肅階州陣亡將弁勇丁建祠○乙酉諭軍機大臣等楊岳斌
奏探聞雷營兵潰見籌布置並請調鄰省援兵一摺雷正綽所部潰變退回固原屢據劉善揚能格等將大概情形馳奏官
經諭令楊岳斌妥籌辦理並因甘省兵力單薄諭令崇實駱秉章酌度情形將周達武所帶十五營抽撥赴甘茲據楊岳斌
奏稱雷營兵潰探報傳聞不一曹克忠一軍兵餉不繼該督帶赴甘省各營亦不敷分撥請調周達武援甘等語四川各路
軍情見尙安謐自應先其所急力顧西陲著崇實駱秉章即飭周達武統帶所部迅速前赴甘肅交楊岳斌調遣毋稍遲誤
其應用餉銀即由川省源源接濟不得稍有缺乏雷正綽潰勇見在是否一律安輯仍著遵照屢次寄諭妥爲籌辦成祿聯
捷已否起程並著催令星速前進昨據廣屬全昌奏古城奇台濟木薛等城業經民勇收復亟應乘機迅赴也將此由六百
里各諭令知之○復甘肅軍營病故已革安徽巡撫翁同書原官子祭葬卹廕諡文勤○予江西陣亡從九品王志成祭葬
世職○丙戌奉天馬賊竄朝陽諭麒麟慶等會兵剿捕○丁亥諭軍機大臣等昨因奉天大股馬賊由清河邊門竄至熱河朝
陽縣衝陣行焚掠當經諭令文祥福興斟酌情形能否分兵兼顧相機辦理並諭令劉長佑多撥馬步兵勇赴熱河助剿酌
撥動旅數百名交徐廷楷統帶嚴防邊口因思此股馬賊蹤迹飄忽勢微鴟張沿邊隘口甚多恐徐廷楷一人帶兵不足以
資堵禦劉長佑節制畿疆沿邊防務本係該督專責見在南路捻匪併歸豫省南陽等處距大名一帶較遠畿南防務稍鬆
北路情形喫緊著劉長佑即行出省挑選得力兵勇酌帶若干名親赴沿邊隘口擇要駐紮嚴密偵探督同徐廷楷實力防
堵毋令賊蹤竄入口內仍一面選派勁旅會同熱河派出官兵馳赴朝陽實力剿辦儘堵剿不力致令賊氛延蔓必惟劉長
佑是問畿南一帶防兵如有可以抽調之處著卽酌量調赴北路並須多調馬隊以備追擊迎剿之用劉長佑出省以後所
有南路防務卽著李鶴年督辦尋常日行事件卽由李鶴年代拆代行遇有緊要事件仍商同劉長佑辦理李鶴年候劉長

伯爾省後再行交卸徐廷楷身任直隸提督沿邊防務儻有疏虞亦難辭咎古北口本有旗營駐防喜峰口冷口羅文峪等處均有山海關旗兵駐守連成長善無旁貸均應督飭該處防兵實力守禦如被賊蹤闖入則咎無可諉不得豫存推卸之心自干罪戾觀前次疏防馬賊闖入喜峰口此若再縱令賊匪闖入邊關震驚畿輔自問當得何罪此股馬賊已有二三千名之多赤崙縣街尙有大股賊黨帶隊該都統務當就見有兵力設法分投截剿不可令其句結合併致成燎原之勢仍一面知照蒙古昭烏達等盟派兵會剿熱河避暑山莊爲禁禦重地尤當備兵嚴加防護並津浦等處爲朝陽赴熱河要路均應派兵扼堵劉長佑仍遵昨日諭旨多派勁旅速赴熱河安籌剿辦天津尙有洋槍隊五百名仍著崇厚備齊軍械聽候續調文祥福興所部各營爲數較單能否分撥熱河助剿之處著酌量奉天熱河兩處緩急情形相機辦理一面奏聞前諭阿克敦布庫至挑備察哈爾官兵一千名聽候調遣著該都統等勤加操練以備調用務須實力奉行不得有名無實仍須時加偵探整頓各營武備以防賊匪窺伺毋稍鬆勁將此由六百里諭知文祥福興劉長佑顧慶阿克敦布崇厚李鶴年連成長善庫至並傳諭徐廷楷知之○諭瑞麟等奏逆匪闖入嘉應州城見籌會軍剿辦一摺前據左宗棠劉坤一先後馳報失守疊經諭令各該督撫相機剿辦茲據瑞麟等奏該逆由麻布岡突抵嘉應州城兵勇力竭致被闖入著知州程培霖巷戰受傷倒地團勇掖之而出遊擊英秀與其餘文武不知下落各等語見在方耀鄧安邦等軍已進紮嘉應州屬關石徑心卽著飭令會各軍同時進取並著督飭李福泰張銳奎國彥鄧紹忠等屯紮要隘力籌堵剿至卓興一軍因欠餉遲鈍藏撤河潮不知現駐郭嵩謙平日所籌畫者何事此時方耀等軍剿賊正當喫緊該督撫等務宜籌餉項源源接濟俾資飽騰毋得再有貽誤瑞麟等摺內有左宗棠卽日起程赴粵居中調遣等語左宗棠如能迅速赴粵督剿不特調度靈通且可堵賊入關之路於大局最有裨益該督素稱知兵想必能通盤籌畫蕩定賊氛也賊匪聚於一隅利在會剿著劉坤一饒遵前旨督飭防軍認真堵禦並酌派旅數千越境會合閩粵之軍四面圍攻迅圖剿洗毋得稍分畛域將此由六百里各諭令知之○定籍獲馬賊獎敘章程○戊子王榕吉請留已革副都統邁克敦布辦理河防不許○已丑諭內閣向來各州縣拏獲騎馬賊匪須審明在三人以上持有器械賊證確鑿者始按律問擬斬決茲據長善奏稱拏獲搶奪人犯無論人數是否在三人以上並不論賊之多寡但係騎馬執持刀械乘機搶奪者經該地方官訊明及覆訊屬實卽行就地正法似此變通辦理較爲簡便等語此等馬賊肆行搶掠擾害閭閻豈可於訊明後久稽顯戮嗣後直隸奉天熱河各省於拏獲馬賊人犯卽著照長善所擬新章辦理以昭炯戒而靖地方○諭軍機大臣等文祥等奏行抵山海關探聞賊情請調直隸馬勇隨

同進剿馬匪倒斃請將帶隊官暫革請調蒙古捐輸馬匹麒慶奏請簡大員督辦熱河軍務長善奏訪獲馬賊請就地正法各摺片各股馬賊人數眾多文祥等此次所帶官兵馬隊本形單薄而奎省東南北三路之賊並起誠恐兵力單不敷調遣文祥等請將見業玉田一帶之總兵劉景芳所帶馬勇二百名先行札調著劉長佑即飛飭該總兵統帶所部隨同文祥等進剿應需馬餉仍由直隸轉解如有不足由文祥等協濟文祥等所請調魏楚克休等所捐馬共五百匹著理藩院轉行該王公務須挑選一律口輕膽壯馬匹剋日解赴軍營以備征剿之用並由文祥等飛速行文調取以期迅速麒慶奏請簡派大員督辦熱河軍務並請續發援兵以壯聲勢該部統平日既不知振作臨事又復思援調殊負朝廷委任之意見在知兵大員實難其選熱河兵力又不足倚著麒慶與文祥等妥商辦法奏聞一面就見有之兵實力防剿毋任蔓延劉長佑身任封圻責無旁貸著懍遵二十六日諭旨帶兵出省擇要駐紮並派得力兵弁馳赴朝陽一帶助剿毋稍遲誤文祥福興距朝陽尚遠該處軍務應如何妥籌辦理之處著探明速奏長善奏拏獲搶奪人犯無論人數贓數但係騎馬執械乘機搶奪者訊明後即就地正法等語此次拏獲之陳潮濤等二名即照新章辦理供單二件著鈔給文祥福興劉長佑麒慶閱看文祥等另片奏賊以邊外為窟穴官兵道路生疏若得該蒙古兵由北會剿與官軍夾擊方足以制奔竄請飭伯彥訥謨帖於到京後面見各旗年班蒙古商議妥協後迅即回旗等語伯彥訥謨帖尚未到京著俟到京後再行面諭辦理將此由五百里各諭令知之○諭崇實駱秉章奏攻剿滇黔各匪見籌分兵布置情形一摺川省東南隘口紛歧黔匪屢次竄至敘永邊境其綦江邊界黔匪並圖擾犯果後各營後路雖經川軍分路進剿疊有新挫而官軍傷亡亦復不少見在竄撲敘永之匪仍踞川黔交界洗脚溪等處綦江之匪仍在鐮尖山憑壘死拒滇境苗匪陶偽元帥復據賊竄至牛街土匪漆新大等分股偏近敘南筠連一帶防務諸形喫緊崇實等見添調總兵成耀星等軍前赴綏陽雷胡中和七營分防敘南嚴扼滇匪並撤飭周達武親帶六營赴南路敘永綦江一帶視何路軍情緊急即赴何路截擊布置尙屬周妥即著崇實駱秉章督飭派出各軍嚴密防剿毋任滇黔沿邊各匪闖入川疆並著勞崇光張亮基林鴻年飛檄滇黔邊防諸軍與川軍合力夾擊迅殲醜類毋得專恃客兵一籌莫展貽禍鄰封勞崇光已據奏報由黔起程見在行抵何處林鴻年屢奉諭旨嚴催入滇何時起程進剿何處並著迅速馳奏將此由五百里各諭令知之○諭訥爾濟奏巴里坤東西兩路賊匪情形一摺據稱奇台縣知縣恆順帶勇西剿由木壘進至阜康迤西被賊攻撲眾勇潰逃恆順不知下落賊匪見在木壘盤踞等語奇台濟木薩城垣前月甫據該大臣等奏報收復此次官兵復行失利勢又復披猖訥爾濟摺中並有奇古一帶復失恆順不守木壘輕進

濟木薩以致得而復失之語是否該一城又經失陷聲敘殊未明晰關外兵勇全不可恃成祿聯捷之軍屢經申斥仍在甘境逗留實屬疲玩已極著楊岳斌傳諭該提督等迅即整隊出剿會同訥爾濟等籌商進剿總期得步進步為節節進取之計儻再遷延國法具在不能為成祿等稍貸也訥爾濟見派已革防禦恩琳與勇目張和會帶兵勇二千前赴木壘進剿此等民勇雖不可恃然藉以牽制賊蹤亦未始非計著訥爾濟激勵該民勇等力籌堵禦毋任賊氛日肆蔓延其勇目張和一名即准由該大臣賞給五品頂帶以資統帶哈密賊匪雖無西犯情形訥爾濟等仍當嚴為備禦毋稍疏虞將此由五百里各諭令知之○廣浙江永康縣學額三名○以四川松潘廳肅清出力員弁獎敘有差○子貴州連亡副將劉洛望祭葬世職○庚寅諭軍機大臣等本日伯彥訥謨祐到京備述馬賊情形與顧慶文祥等所奏大略相同見在各旗年班蒙古來京在邇當令其商議妥協後隨同伯彥訥謨祐返回旗豫調馬隊協同防剿文祥等屆時即可斟酌情形相機調遣會同夾擊以杜奔竄熱河兵力本不足恃竄擾朝陽賊匪為數太多亟應添兵剿捕文祥等前奏於月之二十六日由山海關起程赴奉刻下是否業已成行留還係必由之路由肅遠赴朝陽不過一百數十里僕文祥等能帶馬步各隊先剿朝陽之賊將賊匪逼向東趨而以大軍急躡其後與奉省官軍兩面夾剿或可聚而殲旃著文祥等酌度機宜妥籌辦理如別有所見亦著將軍情緩急詳悉奏聞朝廷不為遲制也正在寄諭間據恩合奏探悉賊匪大抵情形暨會合一見尚安靜及花里雅春力解廣甯之圍各摺片賊匪王起等糾眾圍撲廣甯經協領花里雅春督兵奮擊力解城圍是屬可嘉見在王起一股竄及朝陽周榮姜三疙疸一股由孟古勒津地面竄至法庫邊門滋擾其勢方張恩合已咨調富平阿統帶馬步各隊回省布置即著該將軍將省城防護事宜妥籌辦理並與恩錫等督飭各路兵勇及地方文武隨時防剿毋得株守畏難任賊滋蔓盤踞金州皮口賊目康泳漢等數械投誠真偽均未可定恩合務當妥慎籌辦於該降人等到省後嚴密防範隨時察看母墮詭謀徐占一覆轍具在總當引以為鑒至恩合所奏徐占一見尚安靜不可復行激變等語著文祥等於到奉省後察看情形妥為籌辦其康泳漢等之投誠是否足恃並著與恩合詳籌處置毋稍大意恩合等摺著鈔給文祥等閱看將此由五百里各諭令知之○諭鮑超奏會合舊部抵防並請督辦大臣調度一招變逆大段盤踞嘉應州城江閩粵三省地界毗連此剿彼竄非合三省兵力四面圍殲勢將復行滋蔓尤須有督兵大員節制調度方足以一號令而齊進止見據鮑超奏稱各軍越境會剿未進之先各存意見臨期之際牽制堪虞爭功護過窒礙多端非督師大臣親臨前敵驅策羣力不免耽延時日虛糜軍餉等語該提督老於戎行洞悉軍情利弊所奏深合機宜左宗棠前辭節制三省之命朝廷未經允准疊經諭令